

石

匱

書

石廩書卷第三十六

明 鮑南張 氏著

漕運志總論

余嘗論陳平江漕運之制當輔以朱晦庵社倉之法而後大備何者夫社倉之法勅民間一坊一里每歲以所獲之秋糧每畝出一升儲之社倉以備民間之旱乾水溢或平糶或賑濟用以救一坊一里之窮民蓋其所出也少故其所儲也常易司運事者期於每

歲之抄總稽所運之米如數則已如有缺欠則借社倉之米以濟運事竣有司徵民間之糧米以補之則運米常飽而社米仍復不缺次年正月下令旗甲准於二月開運三月過洪淮於七月上倉十月回空若此法一行則三善備矣何謂三善一曰候天時七月以前多東南風七月以後多西北風東南風急則順風揚帆旬月之間可抵燕薊西北風高則順流放棹旬月之內可抵江南天時之順莫過於此一曰乘

地利蓋地利七月以前黃河水伏七月以後黃河水
高黃河水伏則浪靜帆輕去舟如駛黃河水高則糧
船回空勢若建瓴地利之順又莫過於此一日省人
力七月以前重船起運則駕御長風既省和許挽曳
之苦七月以後回空放行則憑藉順流復省牽率程
秣之勞人力之省又莫過於此司運者若能就近輓
輸應期出入則海運不必復膠河不必開而四十八
閘不必建矣惜乎社倉之法不及通行而運師不得

應時而集卽縣開徵收支留難以致五月開船八月
過洪而九十月間猶不得抵灣卸載天時地利無一
湊合而運之大事去矣司運者徒仰屋焦勞沿途驅
逐亦復何益也哉

漕者曹也合曹水而名漕運須曹水乃有濟焉自宋
禮鑿會通陳瑄濟清浦江淮河汴沁泗沂汶衛白諸
流亘如一脉注以湖塘溝泉而水蔑不漕聚矣國初
漕運事無屬河臣世宗朝洪阻運滯運臣委責河運

乃分運也者朝廷所以祿百官廩庶工食宿衛士飽
關輔戎馬國計之大者也米至京師易三錄而已而
常五倍而致之不則無以實京邑克國費而明朝廷
也予是以次漕糧漕倉漕軍漕船焉而中之以漕規
高帝始有天下用海運顧以給遼左一方而已其時
歲致七十五萬石役者以八萬文皇作都於燕初仍
海運之故為一運別起淮儀歷黃衡水陸漕輸遼抵
都下為一運其北則德倉所儲為一運三運歲合二

百五十萬石有奇八年謂不足特令江浙湖廣三省
各布都官自行督運復三百萬石有奇十三年會通
河成海暨衛河罷運已三省督運亦罷而用平江伯
陳瑄言令民就便運於淮徐臨德諸倉官軍為之接
運是名支運法凡運米預取乾圓潔淨呈戶部驗之
後運如其米謂之樣米七石斛率平概其後乃一平
一銳宣德六年瑄復言支運法民與軍均勞甚善然
民往還殆歲不無病舍穡湖浙等平船遠駕就兌勞

費亦虛竊謂令民益耗附近兌軍便章帝是其議令
所在民支運者勿論有欲兌者度地遠近給軍耗米
耗之云者以防摩盪屑越正額耗損且言乎代民而
運准當運者所耗費也而又為兩銳其已米俗言兩
尖米也耗則平而不銳是曰銳運法兌之為言易也
軍與民交易也皆以為大便當是之時兌居十六支
居十四歲費克羨無有慮不足昔行之既久耗亦納
官軍不復有失初意矣先是永熙之時漕法嚴明倉

米即紅腐鮮虧折者自先運法行倉人垂涎耗餘石
索一銚未幾耗亦納官上取其銚自如軍始苦之無
以有司徵歛之後期晒曝之不宿運軍逼不暇擇且
亦就中自藉為奸利於是先米多惡而復有折曝之
耗矣凡運米之銚永熙一之宣德兩之要皆在領運
時入庾則否入庾之有一銚也自正統始也謂夫貯
庾久而耗焉此夫以銚為耗也乃收者復倍銚軍益
苦也憲宗初年上覺之以詰戶部石耗一銚七五升

足矣倍之非苛削耶於是戶部執曝揚之數取米石
其銳曝之得九斗有六升乃以升為耗當是之時法
多米惡故事所呈漾米徒虛耳巡倉監允禁入土沙
以為奉職矣其究也銳八升復不行概米之時淋漓
斛上散漫地下高厚率數寸許其漫地者軍復不得
有之甚且有額外罰以此羨餘雖積正糧實虧運軍
展轉稱貸不支矣七年罪瓜淮允運并改四倉之支
運者俱全兌各附近水次其瓜淮者於原耗外益以

脚米四倉故無耗者准量給耗米又復在軍云末年
定先運改兌之額河淮以南以四百萬供京師淮河
以北八百萬供邊境別貯額外米於臨德曰預備米
預備米無當于漕以備漕米之撥補也先是宣德之
定耗也例二米一他物益倣洪武間附載土物之意
用以資軍便民至成化為改兌法則悉從本色聽軍
易用然多滯不便弘治中始議定折耗銀曰輕齎其
法無筭耗銳稍贏縮而剖之以銀無米。從贏數銀

從縮數以輕齎之銀官給之大抵米以脩遠涉及顯
加之耗銀以脩傭餉舖墊之用要之正米無缺而止
正外諸羨餘盡歸旗卒官無利焉一時軍卒饒漕運
於斯為盛亡何漕撫李憲請以齎餘貯庫聽米年缺
者貸而償之上可其奏著為令正德間督者不內議
出而外議益以米石五升曰補蒸潤耗損尋以有司
黃緣為奸罷而輕貸之銀遂不以時給即給亦祇填
要路壑無從關餘矣其後并輕齎銀隨正徵足不者

不得通關而嚴淤阻禁改納抑剝輓之直商水兌之法紛比多事衛所官黠者乘之侵弊者百出又其時流寇真寧相繼弄兵被兵地賦多減折一時言官請罷傳奉革校充清冒功使食寡用舒竟不施行而國用詘矣世宗初漕總兵楊宏奏輕齎隨軍心人緩急有濟若貯于漕庫比至始給當其未給軍人所費已多而又羨之為扣夫輕齎六耗米耳故為輕運舟便儻費乃取其羨米懸之籌非法也科道官交章駁之

以為將開奸人冒破之端戶部為兩可其說請銀至
之日驗費給領如故第勿扣其羨以抵船料兼充諸
什物之需大學士費宏言外衛軍士終歲勤勞給京
軍幸有羨宜與之詔皆給軍士驩然久之倉人復以
八升銳為一時范潤費貯倉歲耗無出也戶部尚書
孫交酌請加三升為歲耗一升盡三升而止未三歲
吏者入實額待用上命著為例而是時自太監經歷
茶菓小盪兒等銀下及倉橫門官新舊軍斗一釐兒

斛而等銀莫不有額。合一十四萬有奇。又京衛有
催儻起粟掣解巡運起米等銀。運官有掣銀有長差
藥餌過淮紙劄等銀。費皆不貲。而運舟缺者。敝者。槩
諸稌物一切倚辦。輕齎雖軍有利微。妙矣。頃之戶部
言。輕齎之費。倉為甚。譬雀鼠之噬。蟻虱之吮。雖禁不
可止也。上曰。禁革。下曰。扣除。如其已。請令運官備
列倉費。前規聽官給領之。而給軍。遂廢。七年。通惠河
成。糧運從河入省。輕齎銀十一萬。詔給軍三之一。并

令三歲後量減加耗以寬民十四年以上龍興於安
陸獻皇帝陵寢在烏湖廣顯陵承天二衛運米三萬
一千四百石悉從改折其後數年四方水旱災傷請
賑之疏踵至闕下京通二倉為竭持籌之臣非議折
無復計矣上覽漕總兵萬表所上實運數除折免止
米一百九十萬石有奇降旨切責戶部毋得復減折
久之表復奏天灾流行例當停免臨德撥補其米有
限故往年議折蓋于灾傷停免之中曲為之處非無

故也夫豐年米賤即取民所有民不為困連年全運
軍不為勞若天應停色量減折色使民易出辦運稍
休息於國計似亦無害且漕糧除河工之費其耗齋
行月船料諸銀總之率四石而致一石艱難險阻良
不易得有如今者軍米易銀石三錢耳難得而賤用
殊為可惜若以先年所折每石七錢者作二石給之
公家之利既倍京軍莫不鼓舞而糧儲省積候支于
米貴之歲京師之米價亦平矣疏入許其年運米減

折三十萬石是後仍許減折而數年之間浙直中倭糧船多被焚者逋賦既甚水災繼之請折請餉亡歲幾有久之南軍以改折故糧不時給至于錢戶部侍郎一人上從南戶部尚書黃光昇言雖災勿折隆慶之初京通二倉無積已甚復肯許折漕米百二十萬石戶部尚書馬森請以曩者九錢例折之并扣其所省料銀行糧相間支放請復顯承二衛漕額之半附載各總第免運如世宗肯而已疏上以爲詢及太倉

出入數森其數對因引書儉德永圖之說為上規而
上切責之五年河水溢糧舟傷者幾八百艘明年漕
撫王宗沐奏曰米有自性新井之水火具則熱其體
而可食陰陽之水火具則伐其性而易壞米貯水次
且已濕而充矣船載半歲又經濕而蒸矣至太倉一
晒二日是水火俱備也多而相壓蒸熟之後不出二
年外米內粉甚者灰而不可用徒封倉廩而署之曰
內幾萬石者而孰知其不堪京軍拱衛實勞豈可但

與一石之數不為慮其灰與粉也臣以為抹漂流莫如改折且今歲漂流已以額派全運船少米多之故利害相伏夫安知求全者適以自寡耶于是議者遂請定例歲折一百萬石而輸京道二倉者僅三百萬石矣戶部給事中栗在庭言歲減一百萬石京米翔貴萬一事出非常運道梗塞畿民枵腹復衛士脫巾胡以待之臣恐法久人玩即三百萬石亦不能保其不掛欠不漂流戶部請仍復運額報可

右漕糧

倉之為言藏也京倉天子之內倉也通倉天子之外倉也徐淮臨德倉置外所以備凶旱防不虞也徐州之倉曰永福廣運淮安之倉曰常盈臨清之倉曰廣積常盈德州之倉曰常盈臨清倉自洪武間建謂夫南北間一都會也永樂初節級寄倉為轉搬後因直達京師徐淮臨德分貯之其初則建倉殿黃衛之涓受淮倉米轉之直沽直沽又海舟所停泊處也其年

既即直沽設天津衛置倉三年增置露囤千四百所
於是淮倉自衛河太倉自海成輸天津倉而山東輸
德州倉天津德州二倉所受又總輸之通州由通州
輸之京北轉搬法也五年增設通州左衛置左衛倉
八年脩北京驍騎等衛倉十三年漕河成益置倉水
次受民納令官軍節級支運乃移德之廣積倉于臨
清移原坐太倉海運糧於淮安府淮以北曰徐州倉
徐以南曰濟寧倉絡繹臨德以抵通京十六年復益

通州衛通濟倉歲凡三運其達京倉者二儲通倉者一宣德四年益增脩京通淮徐等倉益拓臨清倉度可容三百萬石工役以數歲正統元年定所增通州大運曰中倉曰東倉曰南倉曰西倉時歲運米五百萬京什之四通什之六其年復增造三百萬石倉于大運西倉之側是時國家承仁宣之積重以先運方盛歲額日益廣倉在羸溢主者見為多而不可較或窟穴其中朝廷亦不之問也四年以歲運至京師無

可貯之增設府庫左右金吾前三衛倉官軍人等預
支月米空廩以待而倉廩盛矣天順四年即通州西
倉之南草場置大運南倉五年復增通州大運倉百
間而南倉設北東二門餘倉皆三門設守衛軍一
人辦事官一人軍一人然由是設總督太監督內
官漸多事矣弘治中言者極言內官剝削之害請量
裁罷之上方優容未發也至正德中冗食冒支益甚
蓋弘治之末倉場月支米二十八萬至正德初年至

三十三萬矣是時監督內官強預收放收則賄賂公
行故則半入泥沙世宗朝始盡罷革矣隆慶初巡倉
御史蔣機言漕儲通倉者三百三十餘萬石而京倉
僅二百餘萬石根本之地出多入少非所以備緩急
請無拘三七四六之例凡充運者悉入京倉改兌者
入通倉詔可之久之御史楊家相復言通倉誠多放
一月則京倉省一月之給京倉多折銀一月則京糧
餘一月之儲非必減通倉而後可實京倉也戶部請

除改先盡入通倉以省脚價其兌運入京倉者仍于
中撥六十六萬二千石足通倉原額詔如議

右漕倉

軍也者出力以運者也洪武中海運給遼左七十五
萬石凡役官軍八萬餘人運軍悉許附載已物資私
用永樂初三運皆軍口無運名惟所命之十二年漕
渠績罷海衛二運口軍之精銳者盡集於漕始以運
名軍起淮歷德以達都城一歲凡三五詔書時口休

息之北都營建從戶部言令運官留役者半如所留
數調江南民于淮臨諸倉給糧轉運其後支運法行
自淮之徐以溯直軍自徐之德以京衛軍自德之京
道以山東河南軍上歸有司毋得有所役使修治壞
船圖後運洪熙元年許附載已物如洪武初例恤之
也宣宗即位營建獻陵繕治魯府皆以運軍助工凡
役二萬餘人其時選下西洋征交趾又二萬餘人漕
伍廢缺乃令江南民糧定撥淮徐者暫假糧戶運赴

通倉於是漕伍坐不即補民浸淫散墮多至淹稽四
年陳瑄與工部尚書黃福議江南民糧令就近上淮
徐倉毋重苦民軍缺補之詔從焉於是軍士一十二
萬人復完又無他徵發運制之而軍人免勉就運竟
歲無休時且有搖之思居二年充運法行軍得民
加耗之利民挈米授軍勞以酒食宴樂即其土之有
司亦以容禮軍之驩而充集久之老弱疾病力弗
勝者時或亡去平伯瑄請增至十六萬人而取徵諸

衛所少壯不足乃以老弱充之未至而亡者六千人
瑄復請精擇必得之不得則旁及鄰衛成國公朱勇
言必大索亡者不然是亡得計也上深然之其時軍
內懷惠而外束法視運事如其家而久之民忘疇昔
謂軍充固然耳酒食宴勞甚衰簡軍見民間棟米相
難溢量相稽逗留百出凌民甚矣議者復請委官監
臨禁私充自是有司權騎重遲速捺柄乃在糧戶正
統初年頗加意運軍其後有閩寇調征浙江上西二

萬餘人土木之變復盡留山東直隸軍京營搃脩江
南運仍以屬民景泰六年處州平兀刺入貢運軍復
而天順初南京水軍等衛運軍猶然以更番操備為
苦往中道棄船亡初宣德中著令運軍有訟事單
而後鞠之有罪者罷其從而運軍好亡多口口空訟
乃復定運米類遺正米漕撫乃令罰運外仍運正米
無力邊戍之著為例然所罰之米又以累缸重總漕
都御史王竑請令當罰者募船別運至成化間議者

曰運軍嚴罰而弛賞是徒督責之也乞自今糧船無損運以時至者三歲之後官推一級軍倍之餉詔從之時又定十二總為十二總者湖廣江西浙江直隸中都山東各一南京江北直隸各二并遮洋一總為十二總以文武大臣各一人表裏督之總有把總官轄諸衛所衛所有指揮等官領其軍七船十人運正米三十有七石十人內又特選有力者一人為旗甲以統運自永樂至此制乃大定遮洋總者本永樂

初所留海舟荒小灘糧由海給蘄者也天順初鑿河
通蘄無所事海云弘治元年左都御史馬文升言船
料部給所從來也今乃使軍人三之夫既人軍之矣
誰與供料軍非人乎哉春往冬旋方為明歲計而又
僦募搬剥出息稱貸然則正軍逋而及餘丁復逋非
其情然誠苦之也附載土物以易薪米亦所從來也
有司又從而征之運官重載自為利軍士所附則見
漁奪彼何以資生也乞今所司軫恤之母侵迫上然

之其後以輕齋銀貯庫軍人漸瘠民與軍究者復怙
有司勢報嚮者相凌甚相戒閉絕令亡所舍一酒一
肉弗與市易比軍困而求究則有司又不可得見稽
候者數月而無名諸費方多正德中聶欽為湖廣漕
運把總善賂軍媚事權貴人每輕齋銀至輒與為質
券奪去漕撫患之令函封以往驗算而給而欽復童
緣驗封故裁軍費厚獻羨為功欽罷王佐為驗封叅
將旗甲主之一時軍驩然謂便而旗甲因人狡懦高

下其手又無名諸費勢不可減或作虛數欺困括所
費籍之既至倉人按籍徵如奉明例責故物而軍又
困矣肅皇踐祚一時更新二三年間斥賄總嚴科率
私從之禁土宜許量載輕齎銀給軍羨勿問行糧隨
正米究與運軍翕然稱慶而漕政久弊人難道故方
楊宏奏發輕齎科道交駁戶部大臣亦指無名諸費
為前規清濁復見京衛暨二倉上賴慮無不蠲納於
軍身矣三十七年而後輕齎屢議大抵十三隨舡者

運官司之其賢者名節省然徒為迂轉地不賢者以
實囊橐其倉費之羨聽于漂人莫之敢必軍之負債
掛欠乃遂為沉痾之疾無從採藥四起而道運官不
能制連坐之議出矣於是并坐原選官重禁催募終
嘉靖之世先是成化中所定十二總嘉靖初用言者
還水軍左等八衛原以習知海道苗者于江南伴興
前一總分而為二其存淮揚等五衛益以北直隸全
總暨徐州左泗州二衛仍為遮洋總仍十二而三十

三年浙又分東西總之凡十三至隆慶初乃以遼洋所屬相地之便分隸十二總下軍額不虧而官省繁簡適均衛總如此隣然無復南北累糧之苦矣其後運軍日以掛欠逃亡於是下州縣務取款實精壯者充運事每五船編甲行互相覺察法禮科給事中確導言運軍有以糧米漂流報者豈無實侵盜謬沉舟自解顧行糧月糧不以時給輕齎羨餘類為虛名迫於貧困緣而為奸亦其所也空錄其勤勞而厚卹之

報可

右漕軍

漕必以舟矣高帝時河海舟無造而海運為遼東永
樂北都海舟與衛河舟歲造等皆於江浙湖徽近水
產木處為團造所宋禮既鑿會通河請改千料海船
為二百料淺船以旗軍萬人領淺船五百餘會通河
轉運而海船稍踈既增造會通河淺船至千料海運
罷其海船以運布花於遼及改為遮洋船通薊水運

五年令官軍歲以十月息運脩船附近地南京都留
守司直隸衛所於淮安山東等都司于臨清江浙湖
廣各衛所于原有司所採船料交納其處正統元年
詔設清江提舉如衛河造船軍士免其城操雜役凡
造船之料部給之舊船三新船七景泰天順間計船
萬一千七百七十五艘又庄木處每隔歲輒令有司
自行派造其後止解物料焉又其後料解漸縮而各
省所採木在川廣者亦以漂泊罕至者復為監收

官留難解戶多死於是有所解價之議而厥料愈不繼
船遂以無當成化中令船薄漂流者罪及提舉然終
不可得堅固其後停止解價取木價于荆杭抽分二
厥而已而軍士復有私辦之額其合領船料工部又
不以時給之止于舊三謂運軍操舟見為受成謾
不慎護則所謂新七者量足其四以三屬之運軍以
難之嚮者軍士私辦遂為公額矣弘治中以軍士困
參酌而益之以銀軍皆喜船議為之一振正德而後

六七年間船多料少大約不及期而壞又材木半出
貫貸于錢展轉相續而下自旗卒運弁以至主造之
官無不盤據其中竄端瘦跡蓋料愈多而船愈無當
嘉靖初年罷遼左運布花海船省銀六餘萬更定各
總造船處中都江北直隸五總北直隸山東遮洋三
總于清江江西湖廣二總于各該府浙江一總于杭
江西九江等五衛于蕪湖鎮江等六衛于蘇船料不
足者議抵贖錢抵鹽引減折歲運以益之至隆慶末

年船漂流益甚科臣往勘還報曰船薄而小併糧太重漕臣過也漕撫王宗沐奏運船市木歲責商人商人豈不利佳木哉一經南都則拔其尤者為黃馬船料矣下瓜儀則市其佳者於民間造作矣至其中空不堪者始萃於清江清江廠所委指揮等官出於營求而又甲乙相承莫可究詰夫以不堪之料付之營求之人而乘以不可究詰之勢運船之弊橫潰四出不亦宜耶謂自今廠畧毋註選聽工部擇司官練達

清謹者任之三年而代指揮等官悉罷委別於淮安
衛山陽等縣附註經歷縣丞四員俾專成造亦三年
覈其功罪而代又請歲解銀湖廣布政司責成糧儲
道必市美木：皆親造揀選庶幾乎船勝漕也詔曰
可

漕船之外為貢船運三曰馬船曰快船曰黃船馬船
洪武時為脩水戰也駕以江西湖廣二省寧國安慶
太平三府水夫船為夫一十有六月廩比諸見軍快

船為運水軍輜重設也駕以軍餘如馬船之數役使則給行糧是二船者皆隸南兵部車駕司三年一更造黃船永樂初以從供鮮品者也駕以京衛軍船為軍二十行有工食居有月廩隸兵部十年一造五年一脩而工部主之凡修船則軍卒守之月廩如故宣德以後天下泰寧馬快二船既無所用而定都北京薦新上供黃船亦不任載乃令三船並運然船浮於載司運者因以商貨實之顧亦有定例往來既久動

稱上用河道旁午所過州縣牽挽之卒以千百附近
州縣出銀濟之一歲間自儀真抵通州費不下數十
萬裏河軍民甚困宣宗乃勅都督劉聚總督之運官
自取用者有禁弘治末吏部尚書馬文升言來京馬
快船弊害固多進鮮為甚夫敬奉宗廟固難缺禮乃
所進鮮物若青梅小竹笋蓮藕薑菜宣州梨蓋太祖
都南時所用今京師菜品菜蔬雪梨青杏比南尤佳
即稍儉省不累脩物又臣任南京兵部時脩知內府

針工旬逾年將在京內官內使所用鋪陳衣服合用
絹布俱于在京該庫開出裝載馬快船往南京織染
局染造染畢兵馬復撥馬快船裝運入京南京內官
內使者此中做成衣服仍運南京歲以為常何往來
至不憚煩若是今揚徐荒旱特甚乞行量為減省而
南兵部尚書王軾亦言歲運諸物有在京給料可以
自造者如鬻酒銅器膳盒染布絹衣被中帽以及馬
槽是也有在京及在所他稅可以取足者竹木板枋

是也魚肉果菜諸品有北產優于南者核栗銀杏芥
莖紫糕蜜煎櫻榴柿鮑是也有味非殊異及雖堪上
供不必以多為貴者苗薑芋薺藕芋青楊梅枇杷鮓
魚糟鮮冬笋是也若此者皆可以歲省船且船未必
歲修歲壞也量修而已即亦可他後守船卒毋糜月
廩許之惟勿省苗薑諸物而已而馬快船自勅劉聚
總督後勳戚內臣之家紛以奏討長蘆等處欵賜鹽
利船動至數百總督虛設矣正德初兵部叢奏討禁

立為限例然其時中官之勢大張進貢使虛張船數
益迫死小吏梓縛指揮占夫索賄橫不可問而守船
卒歲故令其量出銀佐修脩其後貢使需索無厭水
工舵手俱責卒催募供給船大都以差占繁多三歲
而壞：則仍責守船卒修治不三脩不更代言者乃
請初造船時官給全價比其修船官二軍一肅皇登
極圖治方銳南兵部尚書喬宇乘而極言領運內臣
虛增船數罔利擾民之害請以永樂舊例裁之時所

裁省弘治中什之四省正德中什之七上欣然嘉納
諸監局閹人不便也爭請如正德中例兵部執奏上
許如弘治中例而中嚴他諸行船禁九年停免薦新
五船供應器皿船臨時的減者十五艘已王廷相為
南京兵部尚書復條上併省視弘治中例更減終嘉
隆之世

右漕船

漕之先運也自宣德始也乃立水次焉凡水次江南

於淮瓜已又於九江已又令淮瓜運軍過江就兗湖
廣於長沙漢口已又於蘄州漢口城陵磯三處江西
於吳城已又于進賢河南于小灘山東于濟寧已又
令河南山東俱于臨清已又令河南仍小灘凡當兗
米徵收以十月水次交兗以十二月踰十二月終次
年正月糧與船至者三之一弗至者府州縣正堂督
糧官領運指揮千百戶等官俱聽巡按御史逮問奪
俸奪級以久近為次已復中定罰例較前率先一月

督糧自糧道而下領運自把總而下後期者無次并
罰之凡樣米解部山東直隸以三月為期江北直隸
鳳陽等處以五月為期南京江西等處以六月為期
江浙湖廣以七月為期違者繫其在所巡按究其官
吏已令江北官軍兌本府州縣糧者過淮以十二月
南京江南直隸官軍兌應天等府州縣糧者過淮以
正月淮以北山東北直隸二總兌本處糧及遮洋總
兌河南山東糧者以正月及三月完報事皆屬之儻

運此米至京倉月旦為期五月一日北直隸河南山東衛所至七月一日南直隸鳳陽等衛所至八月一日南直隸過江走荒者至九月一日浙江湖廣各衛所至後者奪俸先者進秩皆有差已又令完期各前一月始四月終七月止又令更前一月及六月止凡漂流米二百石以內為小患二百石以外為大患小患報官大患以奏聞漂流損米罰治皆有分數然仍令之領運補完者復之不完者終身及子孫勿得復

漂損糾劾及漕運撫總官聽上之所處凡軍有犯罰
運糧贖罪亦皆有差次無力者發戍極遠邊衛已復
罷運第令如數納米贖凡倉次給醫藥官若軍有故
者歸其骸存恤之是之謂漕規

石匱書曰國家漕政易民運為轉搬多轉搬為直達
今而備矣熙宣成弘之間往來絡繹捷于流水何今
運者與司運者交病也上德之而使無怨咨上下交
清核之而使無混冒在司運者乎

石匱書第三十七卷

明 鈔南張 岱著

藝文志總論

余嘗攷古今圖書之富無若隋唐宋隋嘉則殿分書
三品有紅琉璃紺琉璃漆軸之異殿垂錦幔繞刻飛
僊帝幸書室踐暗機則飛僊收幔而上厨扉自啓帝
出閉如初隋之書計三十七萬卷唐遷內庫書於東
宮麗正殿置修書著作兩院學士得通籍出入太府

月給蜀郡麻紙五千番李給上谷墨三百三十六九
歲給河間景城清河博平四郡兔千五百皮為筆以
甲乙丙丁為次唐之書計二十萬餘卷宋崇文書院
輪奐壯麗大陳圖籍宴群臣委賜縱覽後至宣和秘
書省選侍從十人為叅詳官為較勘官進士以白衣
充簡閱者十餘人宋之書計八萬卷以帝王之威福
而嗜好文史則天下奇書異典日至御前區區張茂
先之三十乘李鄴侯之數十架何足以挂齒頰也哉

我明高皇帝自洪武五年遂命有司訪求古今書籍藏之秘府嗣自歲有增加文皇帝於永樂元年問學士解縉文淵閣經史子集皆備否解縉對曰經史粗備子集多闕文皇帝曰士人家尚欲積書況朝廷乎遂命禮部遣使四出購求遺書因諭解縉等曰天下古今事物散載諸書不易檢閱朕欲悉采各書所載事物名數類聚而統之以韻庶便攷索嘗觀韻府諸書采摘不廣爾等將自有書契以來凡經史

子集百家天文地志陰陽歷卜僧道技藝之言脩集
為一書毋厭浩繁二年解縉等進所纂錄韻書賜名
文獻大典 文皇帝猶嫌其未脩又勅重修五年太
子少師姚廣孝等進重修文獻大典凡二萬二千二
百一十一卷一千九十五秩更名永樂大典 上親
製序以冠之賜廣孝等二千一百六十九人鈔此時
博採廣搜其所彙集群書不知幾千萬卷斷非隋唐
宋所能幾其萬一自大典一成謂古今事物莫備於

此後子孫朝遂不復以積書為事輜軒之使不復再
出但此書浩繁既不能壽之束梨又不能抄其副本
烈皇帝命再抄一部所費不支遂亦中止且聞管庫
官吏多私竊携歸間其卷數遺失必多余於儀部胡
敬辰家所見有二十餘本而四支韻中一字尚不能
完其書之汗牛充棟可勝計哉余欲倣漢書藝文志
以記其盛但恐草野村鄙孤陋寡聞凡所見諸書亦
太倉中之一粟乃欲以管窺天以蠡測海多見余之

不知量矣

御製

高皇帝文集二十卷又三十卷 詩集五卷 皇明

祖訓一卷 祖訓條章一卷 儲君昭鑒錄二卷

大明主壻一卷 昭鑒錄五卷 訓親藩 紀非錄

諭周齊漳魯 永鑒錄一卷 訓親藩 資世通訓

一卷 大誥一卷 大誥續編一卷 大誥三編

一卷 臣戒錄一卷 大誥武臣三十二篇 勅

諭武臣一卷 武臣訓戒錄一卷 武臣鑒戒一

卷 宣諭三卷 大明令一卷 大明律二十八

卷 禮儀定式一卷 行移減繁體式一卷 洪

武禮制一卷 孝慈錄一卷 教民榜文一卷

註道德經二卷 註洪範一卷 彰善瘴惡錄三

卷 瘴惡續錄一卷 軍法定律一卷 操練軍

士律一卷 逆臣錄五卷 忠義錄記擒逆將士

集犯諭一卷 諭吏 昭示姦黨錄二卷

成祖皇帝聖學心法四卷 訓東宮 務本之訓一卷

文華寶鑑二卷 為善陰騭十卷 孝順事實十

卷 傳心妙訣一卷

仁宗皇帝文集二十卷 詩集二卷 體尚書二卷

外戚傳二卷

宣宗皇帝文集四十四卷 詩集六卷 帝訓四卷

訓東宮

外戚事鑒五卷 歷代臣鑒三十七卷

官箴一卷

英宗皇帝五倫書六十二卷

景皇帝勤政要典一卷

憲宗皇帝詩集四卷 文華大訓二十八卷 訓東宮

睿宗皇帝恩紀詩集七卷 含春堂藁一卷

世宗皇帝注書經三要三卷 注程順四歲一卷

注范浚心箴一卷 鑒古韻語六十首 翔學詩

一卷 火警或問一卷 祭祀記一卷 詠春同

德錄一卷 宸翰錄一卷 白鵲贊和集一卷

勅諭錄一卷 詠和錄一卷 忌祭或問一卷

穆宗皇帝寶訓八卷

思宗皇帝欽定逆案一卷

中宮御製

高皇后內訓一卷

仁孝皇后勸善書二十卷 詩集一卷 貞烈事實

二卷

章聖皇太后女訓一卷

慈聖皇太后女鑒一卷

勅脩

高皇帝實錄二百五十七卷 寶訓十五卷 唐同等

撰

聖政記一卷 宋濂撰 大明日曆一百卷

會要八十卷 國朝制作一卷 王叔銘集 存心

錄十八卷 吳沉撰 省躬錄七卷 劉三吾撰 醒

貧錄二卷 命戶部撰 律令直解 卷 精誠

錄三卷 吳沉撰 祭祀禮儀六卷 大明清類天

文分野書二十四卷 大明集禮五十三卷 書

傳會選六卷 劉三吾等撰 春秋本末三十卷 孔

克堅撰

列女傳三卷 歷代公主錄二卷 公

子書一卷 世臣總錄二卷 諸司職掌十卷

大明官制二十八卷 稽制錄一卷 志戒錄二

卷 劉三吾 洪武正韻十六卷 寰宇通衢書一

卷 禮制集要一卷 稽古定制一卷 為政要

錄一卷 軍政條例五卷

成祖皇帝實錄一百三十卷 寶訓十五卷 聖政

記三卷 永樂年表四卷 四書大全三十卷

易經大全十四卷 書傳大全十卷 胡廣等撰

詩傳大全二十卷 春秋大全二十卷 禮記大

全三十卷 性理大全二百四十八卷 直注古

今列女傳三卷 永樂大典二萬二千二百十一

卷 歷代名臣奉議三百五十卷

仁宗皇帝實錄十卷 寶訓六卷 年表二卷 周

易直指十卷 楊士奇

宣宗皇帝實錄一百十五卷 寶訓十二卷 年表

四卷

英宗皇帝實錄三百六十一卷 陳文等撰 寶訓十

二卷 憲綱一卷 大明一統志九十卷 李賢等

撰 寰宇通志一百十九卷

憲宗皇帝實錄二百九十三卷 寶訓十卷 續寶

治通鑑綱目二十七卷

孝宗皇帝實錄二百二十四卷 寶訓十卷 類證

本草三十一卷 詩海珠璣十五卷

武宗皇帝實錄一百九十七卷 寶訓十卷 歷代

通鑑纂要九十二卷 李東陽等修 大明會典一

百八十卷 李東陽等撰

世宗皇帝實錄五百六十六卷 寶訓二十四卷

大禮集議六卷 明倫大典二十四卷 祀儀成

典 卷 郊禮通典二十七卷 夏言撰 承天大

志四十卷 徐塔等修

穆宗皇帝實錄七十卷

神宗皇帝實錄五百八十六卷

光宗皇帝實錄十卷

熈宗實錄一百二十四卷

易

易學四同八卷 李本

大象述一卷 王畿

周易

贊義十七卷 馬理

讀易餘言五卷 崔銑

約說

十二卷方獻夫

古易世學十五卷

豐坊

周易

攷異二卷

都穆

易辨一卷

豐坊

說翼三卷

呂

柝

經傳訓測十卷

湛若水

旁註十二卷

朱升

著法別傳一卷

季本

易占經緯四卷

韓邦奇

周易圖釋一卷

劉定之

易經因指八卷

張汝霖

義經易簡錄

陳仁錫

九正易因二卷

李贄

兒易倪元璐

周易林頭私錄

董懋策

易畧陸

龍

大易用

張岱

書

尚書因問錄四卷

呂柟

洪範圖解一卷

韓邦奇

讀尚書攷張元忬

詩

詩釐正二十卷

湛若水

詩說序

呂柟

詩說解

順八卷

季本

魯詩世學十二卷

豐坊

讀詩攷

張元忬

春秋

左氏始末十二卷 唐順之
左氏附注五卷 陸燾

春秋正傳 湛若水
春秋私考三十六卷 季本

春秋明經四卷 劉基
春秋世學三十二卷 豐坊

春秋說志五卷 呂柟
春秋正音一卷 高拱 讀

春秋編三卷 陳深

禮類

周禮集註七卷 何喬新
周禮定本 舒芬 禮記

章句八卷 張宇敬
檀弓叢訓 楊慎 讀禮攷 張

元怍

中庸原一卷 方獻夫

中庸傳一卷 張邦

治

中庸凡崔銑

中庸測 湛若水

大學古本

注一卷

王守仁

大學千慮一卷 穆孔暉

古大

學測 湛若水

大學原 方獻夫

大學格物通一

百卷 湛若水

二禮傳經六十八卷

讀禮疑圖

六卷

季本

讀禮使編十二卷

張耀芳

大中大

意董懋策

大學衍義補

卷 丘脊

大學繁露

一卷

虞溥熙

樂類

范洛志樂二十卷 韓邦奇 律呂直解一卷 韓邦

奇 律呂別書季本 律呂纂要一卷 季本 神

奇秘譜三卷 昭仙 琴阮啓蒙譜一卷 昭仙

孝經

孝經外傳一卷 楊起元 孝經通言一卷 虞淳熙

孝經集靈一卷 虞淳熙

四書

四書事文引證十卷 何文淵 四書因問六卷 呂

枬 四書問辨錄十卷 高拱 四書人物攷八卷

薛應旂 四書宗旨六卷 周道登 五經疑辨錄

三卷 周洪謨 四書疑問八卷 姚舜牧 四書荷

珠錄五卷 張汝霖 論語商二卷 周宗建 四書

過二卷 張岱 讀書印二卷 張鶴

小學

爾雅七卷 孫炎 爾雅畧義十九卷 危素 爾雅

音一卷 孫炎

六書索隱五卷 楊慎

六書練證

五卷 楊慎

同文備考十卷 王應電

古音餘 楊

慎

轉注古音畧五卷 楊慎

古音附錄五卷 楊

慎

古音叢目 楊慎

古音畧例一卷 楊慎

古

音獵要五卷 楊慎

古文韻語二卷 楊慎

奇字

韻五卷 楊慎

韻林原訓二卷 楊慎

古俗字畧

七卷 陳士元

小學句讀 陳選

小學章句四卷

王雲鳳

古文小學九卷 湛若水

史

宋史新編二百卷 柯維騏 元史二百十卷 宋濂

史纂左編一百四十二卷 唐順之 史纂右編一

百卷 唐順之 函史一百二卷 鄧元錫 大明官

制二十八卷 國朝公卿年表二十四卷 王世貞

世史正綱三十二卷 丘濬 列卿表十卷 雷禮

殿閣詞林記二十二卷 廖道南 館閣漫錄十卷

張元忬 熙朝稟記 張元忬 館閣類錄二十二

卷呂本 舊京詞林志六卷 周應賓 古今紀事

本末論斷二十卷 張溥 古今史懷二十卷 鍾惺

萬曆會計錄四十三卷 李氏藏書 李贄 隱逸

傳薛應旂 貧士傳黃姬水 逸民史 陳繼儒

義士傳屠隆 義烈傳十二卷 張岱

律

大明律分類條目四卷 陳廷璣 大明律讀法書

十卷 孫存

地理

廣皇輿攷二十四卷 張天復 陝西通志四十卷

馬理 維大記三十六卷 何景明 湖廣通省志

九十八卷 張天復 楚記六十卷 廖道南 江西通

志三十一卷 林庭梯 廣東通志七十卷 黃佐

泗州志十二卷 汪應軫 山陰縣志 張天復 紹

興府志 張元忭 會稽縣志 張元忭 安慶府志

三十一卷 胡纘宗 彰德府志 崔銑 許州志

卷卽寶 武功縣志康海 耀州志十一卷喬世

寧 姑蘓志六十卷王鏊 吳邑志十六卷楊循

吉 溫州府志八卷張孚敬 蘭溪志五卷章懋

兗州府志十八卷于慎行 宣府志馬中錫 滇

載記一卷楊慎 大明輿地指掌圖一卷桂萼 輿

地圖四卷羅洪先 嶺海輿圖二卷湛若水 九

邊圖論三卷許論 萬里海防圖論鄭學魯 海

塘記一卷黃光昇 三吳水利錄一卷單錫

小說

古穰雜錄二卷李賢

類博稿稞言一卷岳正

清溪暇筆一卷姚福

寓圃雜記一卷王錡

瑯

瑯漫抄一卷文林

馬氏日抄一卷馬愈

七修

類藁五十三卷卽瑛

損齋備忘錄一卷梅純

河館閒談四卷司馬泰

西湖塵談十卷

復齋

日記一卷許浩

吳中故語一卷楊循吉

月河

所聞四卷莫君謨

蓬軒吳記二卷曄

畜德

錄二卷陳沂 讀書筆記一卷祝允明 鱗衣一

卷祝允明 龍江夢餘錄四卷唐錦 懸筍瑣探

一卷劉昌 楊子卮言二卷楊慎 卮言閩集二

卷楊慎 卅鉛六集六十卷楊慎 枕林伐山四

卷楊慎 堽戶錄一卷楊慎 清暑錄二卷楊慎

病榻手吹一卷楊慎 通旃瑣言二卷蘓祐 太

藪外史五卷蔡羽 楚漢餘談一卷高岱 學圃

黨蘇六卷陳耀文 學林就正四卷 陳耀文 正

楊四卷 陳耀文 金壘子二十六卷 陳絳 今兩

瑤華一卷 岳岱 王氏劄記二卷 王世貞 短長

一卷 王世貞 宛委餘編十九卷 王世貞 藝苑

卮言八卷 王世貞 藝苑卮言附錄四卷 王世貞

史乘攷誤十一卷 王世貞 九沙草堂稊言二卷

萬表 灼艾集十卷 萬表 諧史四卷 徐常吉

滑耀編十七卷 何氏語林三十卷 何良俊 古

今說海一百四十二卷 陸楫 霏雪錄二卷 劉績

株守談畧三十一卷 馬攀龍 芸心識餘八卷 陳

其力 延寧堂漫錄三十六卷 羅鳳 近峰聞畧

八卷 皇甫錄 三餘贅筆二卷 穆印 美囊續要

二十卷 都穆 談纂二卷 都穆 聽雨紀談一卷

都穆 王壺冰一卷 都 草木子四卷 葉子奇

雨山墨談八卷 陳霆 客坐新聞二十二卷 沈周

逸史摛奇一百卷 汪雲程 菊坡叢語二十六卷

單宇 野談六卷 胡侍 真珠船八卷 胡侍 瑣

碎錄二十卷 夢醒錄十卷 蕭聰 闇然堂日纂

四卷 潘士藻 游文小史十三卷 閔文振 閒中

今古二卷 陳頌 江漢叢談二卷 陳士元 紀善

錄一卷 杜瓊 庚巳編四卷 陸繁 異林一卷 徐

昌國 語恠四編一卷 祝允明 猥談一卷 祝允

明 高坡異纂三卷 楊儀 說聽四卷 陸廷枝

艾子後語一卷 夢憶二卷 張岱 快園道古十

二卷 張岱 正續廣秘笈四集二百卷

兵家

破虜新陣圖說一卷許論 紀効新書四卷戚繼

光 邊畧五卷高拱 武編三十卷唐順之 續

百將傳四卷何喬新 新續百將傳顧其言 登

壇必究二十卷茅元儀 紀効新書續集二卷霍

子玉

曆法

曆法統宗二卷曾俊 曆法撮要曾俊 崇禎曆書
四十卷

賦頌

皇都賦一卷 董璘 東還賦 陳鳳羽 兩京賦 余

光 紫金山三賦 陶振 兩都賦 盛時泰 兩都

賦 桑悅 兩都賦 黃佐 朝鮮賦 張進 次梗賦

三十七篇一卷 盧枏 皇明混一頌一卷

文集

宋濂龍門集八十卷 劉基青蘿集九十二卷

陶安學士集二十四卷 張以寧翠屏集三卷

劉松槎翁集十八卷 劉三吾坦齋集二卷 孫

炎左司集四卷 王禕忠文集二十四卷 蘇衡

平仲集十六卷 高啓缶鳴集十八卷 朱善一

齋集十卷 徐黃北郭集十集 梁寅石門集四

卷 楊基眉庵集十二卷 魏觀蒲山集四卷

吳訥西隱集二十卷 王紱舍人集五卷 王達

天游集十卷 貝瓊清江集三十卷 袁凱海叟

集 張羽靜居集六卷 孫黃西庵集九卷 程

本立巽隱集四卷 張丁孟兼集六卷 吳伯宗

三集二十卷 高棟嘯臺集二十卷 王偁檢討

集五卷 王恭典籍詩五卷 危素學士集五十

卷 周玄初部集一卷 黃玄博士集一卷 王

翰敵帚集五卷 趙東山集四卷 林鴻膳部

集五卷 唐泰觀察集一卷 鄭定澹齋集一卷

唐肅丹崖集八卷 方孝孺遜志齋集二十四卷

練子寧金川玉屑六卷 黃觀顯忠錄四卷 王

良翰林集十卷 周是修芻蕘集六卷 張純鷗

庵集二卷 梅殷都尉集三卷 解縉春雨集十

卷 楊士奇東里集二十五卷 楊榮西京類稿

三十卷 楊溥文忠集十二卷 姚廣孝逃虛集

十卷 金幼孜文靖集十卷 胡廣文穆集十九

卷 龔穀鵝湖集六卷 曾祭西墅集十卷 梁

潛泊菴集十二卷 夏原吉集六卷 胡濙澹庵

集四卷 黃淮省愆集二卷 吳溥古厓集一卷

周忱毀屋集八卷 黃福忠宣集三十卷 郭登

定襄集十八卷 李時勉吉庶集十一卷 王直

柳容集六十二卷 陳敬宗澹然集十八卷 商

輅文毅集十卷 于謙忠肅集八卷 徐有貞武

功集十卷 薛瑄敬軒集四十卷 韓雍襄毅集

十五卷 姚夔文敏集十卷 李賢古穰集三十

卷 呂原文懿集十二卷 岳正類博彙十卷

廖莊漁梁集二卷 葉盛文莊集二卷 吳與弼

聘君集十卷 陳歲布衣存稿九卷 劉定之集

齋集四十五卷 楊守陳文懿集三十卷 何喬

新林丘集三十二卷 丘濟瓊山集二十二卷

倪謙文僖集一百六十卷 陳獻章白沙集二十

二卷 賀欽暨閣集九卷 鄒智立齋遺文二卷

羅倫一峯集十卷 莊果定山集一卷 李東陽

懷麓堂集九十六卷 吳寬家藏集七十七卷

謝鐸桃溪集三十九卷 楊廉月湖集六十二卷

程敏政篁墩集一百七卷 林俊見素集四十九

卷 王鏊震澤集三十六卷 張弼東海集五卷

王越黎陽集二卷 顧言萍居集十二卷 邵珪

半江集五卷 劉昌岳臺集二十二卷 湯胤績

東谷集十卷 沈周石田集十卷 張吉古城集

十五卷 張悅莊簡集五卷 陳音愧齋集十卷

魯鐸文恪集十卷 劉大夏東山集二卷 王恕

端毅集九卷 錢仁夫詩曆十二卷 夏寅江西

紀行集一卷 鄭木和鳴集一卷 陳勉秋林集

一卷 張寧芳洲集四十卷 章懋楓山集九卷

周旋半齋集四卷 馬文升端肅集一卷 羅玘

圭峯集三十二卷 倪岳青谿漫藁二十四卷

張瑄觀庵集十五卷 聶大年東軒集四卷 桑

悅思玄集十六卷 李承箕大厓集二十卷 楊

循吉松蘿堂集十一卷 夏鍤赤城藁四卷 蔡

清虛齋集十二卷 舒芬梓溪集五卷 倫文叙

迂岡集十卷 張元禎求白集二十四卷 羅欽

順整菴集二十卷 王守仁陽明集五十二卷

湛若水甘泉集一百卷 呂柟涇野集三十三卷

何孟春文簡集十八卷 韓文忠定集四卷 李

夢陽空同集六十三卷 何景明大復集二十六

卷 康海對山集十九卷 王九思漢陂集十六

卷 徐昌國迪功集六卷 邊貢華泉集十四卷

高叔嗣蘇門集八卷 薛蕙考功集十卷 王廷

相浚川集二十九卷 顧璘東橋集四十卷 崔

銑洹詞十卷 朱應登凌溪集二十卷 陳沂拘

虛集二十卷 江暉前谿集十四卷 胡纘宗可

泉集十二卷 王廷陳夢澤集十七卷 許宗魯

少華集十五卷 顧清東江集四十二卷 黃孔

昭未齋集十三卷 邵寶容春堂集六十六卷

儲巖文懿集十五卷 彭韶惠安集十一卷 黃

鞏後峰集四卷 喬宇白巖集二十卷 陸容浙

蕩蕩十卷 唐寅伯虎集二卷 孖宜洞庭集五

十三卷 常倫評事集三卷 顏木燼餘藁四卷

皇甫錄蘋溪集二卷 祝允明集畧三十卷 陸

深文裕集一百卷 文徵明甫田集四卷 孫一

元太白集五卷 殷雲霄石川集二卷 江暉重

爰集 楊廷和石齋集八卷 梁儲鬱洲集九卷

費宏文憲集二十卷 楊一清石涼集四十五卷

毛紀鰲峰類藁二十六卷 蔣冕湘臯集三十三

卷 田汝籽水南集十八卷 袁襄永之集十卷

穆孔暉玄菴集三卷 黃勉之五岳集十卷 傳

珪文毅集八卷 石瑤熊峰集四卷 魏校莊渠

集二十六卷 王寵履吉集十卷 蔡為林屋集

二十卷 陳卿自菴集二卷 席書元山集五卷

賈詠南塢集十卷 鄒守愚侯知堂集十三卷

張孚敬文忠集三卷 方獻夫西樵集四卷 桂

夢文襄集五卷 王雲鳳虎谷集二十一卷 韓

邦奇苑洛集二十二卷 霍韜渭屋集十卷 李

舜臣苻臺集二卷 黃佐泰泉集六十卷 楊慎

升庵集八十一卷 皇甫汸司勳集六十卷 皇

甫濬少玄集二十六卷 張時徹芝園定集五十

一卷 嚴嵩鈐山堂集四十卷 晏言文愍集十

二卷 馮惟訥光祿集十卷 馮惟健陂門集八

卷 張壁陽峰集二十六卷 徐階世經堂集二

十六卷 陸槩于餘集八卷 鄒守益東廓集十

二卷 王畿龍谿集二十卷 錢洪緒山集二十

四卷 薛侃鍾離集四卷 徐師曾湖上集三卷

王思改齋集十卷 徐問養齋集二十四卷 萬

表玩鹿亭葉八卷 楊繼盛忠愍集十二卷 鄭

繼之少谷集十四卷 唐順之荆川集二十卷

羅洪先念菴集二十三卷 趙時春浚谷集十七

卷 王慎中遵巖集四十一卷 喬世寧丘隅集

十九卷 陳東後岡集二卷 馬中錫東田集六

卷 楊名芳洲集五卷 薛應旂方山集六十八

卷 張天復鳴玉堂集十六卷 劉鳳子威集三

十二卷 華察巖居藁四卷 宋登春鵝池集二

卷 許勉仁謫滇藁四卷 雷禮古和集三卷

歸有光太僕集三十二卷 陳鶴海樵集二卷

朱曰藩山帶閣集三十三卷 豐坊集二卷王維

禎存筭稿二十卷 茅坤白華樓集四十六卷

何良俊柘湖集二十八卷 高拱玉堂公草十二

卷 趙貞吉文肅集二十三卷 嚴士儋金輿山

房集十四卷 耿定向天臺集二十卷 鄧以讚

文潔集十二卷 楊起元復所集四十卷 張元

忬不二齋集十六卷 黃姬水淳甫集二十四卷

徐渭櫻館集二十九卷 王世貞四部稿一百四

十七卷 王世懋麟洲集五十四卷 李攀龍滄

溪集三十卷 吳維嶽峻伯集二十卷 宗臣子

相集十五卷 梁有譽蘭汀集四卷 徐中行天

日集二十一卷 吳國倫甌甌洞集五十四卷

汪道昆太函集一百二十卷 沈明臣嘉則集十

二卷 張佳胤銅梁集二十七卷 盧柟蠟蝶集

五卷 李贄焚書四卷 李維禎太泌山人集一

百卷 俞允文仲蔚集二十四卷 徐詩汝思集

一卷 黎民表瑤石山房集十六卷 謝榛詩集

四卷 陳士元歸雲集七十四卷 葉向高大霞

草六十卷 湯賓尹宣城集八卷 焦竑澹園集

二十卷 陶望齡歌菴集二十四卷 袁宏道瀟

碧堂集四十卷 董其昌容臺集十七卷 傅汝

舟齋老集十卷 黃輝慎軒集十卷 陳繼儒晚

杏堂集三十卷 湯顯祖玉茗堂集二十四卷

虞淳熙務礪山房集三十卷 屠隆由拳集四十

二卷 黃汝亨寓林集六十卷 周道登海門集

二十卷 馮夢禎雪堂集四十卷 鍾惺隱秀軒

集四十八卷 譚元春嶽歸堂集二十四卷 張

汝霖斲園文集四卷 倪元璐應本代言十二卷

王思任清暉閣集二十卷 黃道周大滌山房集

十卷 姚希孟風樹堂集六十四卷 劉宗周忠

端集二十卷 陳仁錫無夢園集四十卷 張溥

七錄齋集十六卷 曹學佺石倉集三十卷 陳

函輝寒山集六十卷

類書

天中記一百卷 事文類聚一百卷 潛確類書

三百卷 韻山六十四百卷 鴻書一百卷 鴻

苞二十卷

石匱書曰班孟堅作藝文志所載圖書不知幾千萬
卷可謂絕盛一時蓋漢繼秦後秦始皇焚書抗儒為
千古愚暴惡毒之主漢人鑒之遂留心經史故一代
文人才子其所著述獨多求之後世不可幾及矣我
明 神宗皇帝太平無事廷臣有請遣使朝鮮日本
諸國購求遺書謂朝鮮為箕子封國日本為秦始皇

遣齊人徐福發童男女數千人入海求仙人遂聚而成國其所載圖籍皆秦火未燒以前之書其間經書古本必有不同命使取來以備攷核言雖荒誕不經然其深沈好古一往癡情則亦有可取也矣